

摘藻堂四庫全書薈要

集部

欽定四庫全書薈要卷一萬三千三百四十三

集部

御製詩二集卷十六

古今體八十三首

庚午三

迴鑾即事

祝釐禮化城臺頂陟崢嶸迎喜一天雪駐當三日晴趁

閒尋輿境歲事返行旌佳處留餘興前詩偶靜評

丙寅
秋來

五臺迴駕時有不教吟
興盡佳處每留餘之句

降旨巡撫阿里衮恤被偏灾及勘不成灾者彙括

成詩

昨歲沐

天恩豐登遍寰宇山右亦稱稔庶鮮飢寒苦太原臨晉
蒲間被水電處^叶他如猗氏等麥歉秋收普偏灾例賑
恤知實霑恩否^叶其勩不成灾詎免有窮戶省耕臨晉
疆所過皆樂土數縣雖未經民艱切心所申命方伯臣
旬宣職惟汝予恩汝其沛勿遺無告者^叶行時豈豫遊
望古勤助補

迴鑿至臺麓

前日至臺麓雲容方釀雪今日來臺麓雪色高峯列向
陽凍漸融溪流聲汨瀝柳綠欲招煙蕪青已鋪埒往還
纔五宿景物何頓別山靈想置郵火報花朝節

保陽得雨誌喜

前朝對雪頻增慮惟恐寒威傷麥苗信宿即入直隸境
路左迎鑿來大僚先諮此雪狀何似欣聞膏澤滋青郊
近嶺云亦積盈寸春暘融盎凍早消向所縈懷一以慰

行將歷歷吟和韶

溪源

溪源一脈注往往成大川因之復白圭慎茲綸綍宣

度龍泉關

長城走太行梯雲據豁險人力非鬼工峻增何以暫鑿守
國亦云德是謂善用坎丸泥豈能固弔古徒興感臺懷
返行旌雄關度峻巉高處且停轡千里縱流覽胡為一
嶺隔陰陽判舒斂乃知地勢限便是天功範保陽春應

佳厯厯入結攬

固倫額駙超勇親王策楞壽終詩以惜之

有序

額駙在

皇祖時以名藩選尚公主宣力邊陲茂著勞績

皇考授為定邊左副將軍晉爵親王額爾德尼招之役
血戰先登萬衆披靡狡寇為之斂跡朕眷待優隆
額駙彌篤忠蓋始終一節允惟懿戚中傑出之良
為王國屏翰於其薨也錫之優卹且命配享

太廟崇祀賢良祠以報殊勲俾衆蒙古知勸復成長律
用誌悼懷

丁年尚主令名聞絕塞宣猷建偉勲不必讀書知大義
每於臨陣冠三軍老成凋謝子憂爾要寄疇咨子克云

命世子成袞札布嗣為札薩克盟長
將來亦克勝定邊左副將軍之任云

重惜賢藩教侑

廟報功兼以勸忠勤

春雲

春雲低遠天春氣蒸修阪土膏潤以蘇韶景和而婉麥

青實慰心柳綠已蓄眼將雨固滋佳便晴亦無損適意
敢矜誇孜孜籌治本

山行即景

山色行行遠春光日日殊杏花紅半放柳葉綠全敷澗
滙尋寬渡嶺過樂坦途問農今歲好每為駐斯須

見杏花始放

桃花例比杏花先今年見杏桃之前山村種植隨土性
那計景物供留連杏花豈比桃花早杏茲半放桃應老

春色闌珊霎眼間
馬上相逢阜陽道
五臺花朝花信賒
御園想已蒸緋霞
我尚依依執色相
何能致雨曼陀華

仇英蠟梅水仙小幅

作友風餐雪虐中
淺黃深白意相融
詩人擬議休唐突
色相雖殊品格同

含香蠟瓣全欺雪
徹骨冰姿解辟寒
樓鑰詩情天水法

樓鑰有詠蠟梅水仙詩

傳神豈止欲掀蘭

婢視女星應太屈
兄呼寒客似相宜
雌黃世論曾何定

我亦於中一酌之

攜得行滕日與親悠然並對古之人檀芬玉質疑飄動
檀室風和不近塵

聞京師得雨誌喜

仲春月二日自京始發軔雪後宜快晴土脈溥滋潤心
幸勝往年麥收擬轉瞬巡方逮半月山地燥頗迅謂當
一雨佳耕犁及時趁五臺值密雪又恐傷苗嫩大吏親
奏言保陽雨盈寸度嶺雪都消以此釋憂悶今朝京報

至亦得甘膏信地氣益霑溥發生日以奮麥熟洗心雨
謂不必多取其潤沃而已聞諸老農論誌喜吟長言吾將命田畷

詠掛瓶

靜歷黃圖紫塞飽參秋卉春葩貯就常看不謝簦處偏
宜半斜豈慮勾蜂引蝶只疑浥露蒸霞文殊昨示妙諦
紛雨優鉢羅花

再題普佑寺壁

往返纔旬日春光儘不同榆將參柳綠杏已先去聲桃紅

禪室村墟外前題指顧中蒼松無改度落落韻東風

源上消春雪門前漲碧川恰如來並轡底用渡方船背

指清涼界面叅松石禪

寺內有

賜匾曰松石禪

皇祖

羹牆欽觸目俯仰憶

堯年

曲陽縣望香巖閣

奕奕香巖山隆崇冠雲表幽幽香巖閣窈窕棲山嶮借
問因何傳浪仙人賈島人與閣何往春山依舊好我來

山下望畢然興遐抱當其苦推敲逢人不之覺叶僻瘦
亦何妨自得因深造佳句出窮餓妙論創坡老信其言
而然吾詩何足道

禱言

蒼蒼春山夕漠漠春雲低春埤杏欲放春原草已萋春
草復春花年年繪物華昨去寒猶淺綠楊未堪縮今來
氣漸融裊裊搖東風路左紅顏子路右白頭翁相逢發
一笑彼此將無同

夜雨

浙瀝傳聲夜未闌
檀廬乍覺轉輕寒
安排吟緒休教後
明日春光倍好看

青蕪陌上已薦緜
膏澍徐滋色自鮮
所喜來朝清蹕路
更看叱犢滿山田

歌舞農夫盼一犁
春霖頻潤實佳兮
羽林都解承吾意
行路何曾怨濘泥

曉行即景

雨歇村村喜快晴六驄不肯速催程朝煙欲泮招提遠
野水初增略約橫罨畫郊原深柳杏賣餠時節近清明
蘭衢潤溽無塵塽却似山陰鏡裏行

見新耕者

青郊雨後見新耕按轡因教緩緩行春色無邊總娛目
何如芟柞最怡情

聞山東得雨

祈年念寰宇豈獨廬山左山左實災餘飢溺益切我去

歲已兩熟民情幸稍可必得綏屢豐元氣乃大妥封章
傳喜音稠疊

天恩荷雪足雨復霑麥佳禾將播叶憶我前巡狩愍彼
遭坎坷每念鳩鵲形為之中夜坐粟帑匪所惜旬宣不
教情亦惟盡此心更賴天悔禍三時苟無愆二黠庶免
餓叶勞徠咨勉旃休息政猶夥

命直隸總督方觀承恤去歲稍被偏災及勘不成
災州縣詩以示之

闔省多豐數縣災豐宜慶幸災宜哀善為賑恤登衽席
庶免飢寒困草萊莫謂一隅置度外從知萬姓望恩來
匪隣蹕路何殊別布澤還思徧八垓

唐縣道中作

康衢曉潤靜塵氛藹藹遙天又綴雲雨後郊原羣力作
田功今歲實堪欣

青帘風颭杏初華路轉峰迴擬習家况是清明時節近
中山想復有人賒

村外風輕起紙鳶兒童火迫好春天獨憐白首扶筇叟
咄咄町邊課種田

背看西嶺隔雲林古縣民風信悅心老幼熙熙順耕鑿
放勳遺澤達於今

命張若澄圖葛洪山因題句

攬轡官郵渡涇水遙峰西北矗翠紫問名云是葛洪山
山固奇哉名亦美欲往遊之虞豁險况復紆途七十里
內廷供奉屬車隨六法曾參識畫旨嘉陵乘傳有往例

攜稿以歸傳其似數日丹青結撰成直移仙境來窗几
隆崇壇曼倚天雄屨屨崢嶸拔地起盤中草木冬不凋

埭上藥花春正蒞瀏莅卉歛會五音聞硤傑池殫衆技

得路原從滴水堂似限塵蹤一為洗蘋果園瓦窰寺隨

俗稱石磴無勞攀迤邐進步始至下清虛已若身居天

半矣過此崎嶇迴倍前疑惟鳥翔猿踔爾道藏閣據上

清虛冷空天風二臺雙竦峙淙潺乳竇浴丹泉老君爐

在空巖裏絕頂乃達聖母宮翠柏紅牆扶菲萎不殊清

蹕訪丹丘拍肩笑有洪厓子我聞稚川求勾漏胡乃水
碧煉於此雲中雞犬渺何方竈側刀圭儼可指若澄筆
仗素所知此圖特妙得神髓靈區陶鑄有是乎會見雲
煙翁左紙

夕

莽蒼暮色來落日羣籟靜旌門較射罷欵案挑燈永書
笈發縑緗鏡古惕深省五年再西巡仍此保陽境民風
詎臻淳吏治難言整束濕豈其可玩愒滋為病

叶

王道

費用中次乃濟寬猛有志未逮焉懷慙每耿耿

二月二十二日作

是日為

先皇后在時千秋節也前歲東巡曾駐輦行慶倏忽
歲月將逮大祥撫景成詩情不能已

東巡二月忽思前敬奉

慈闈喜比肩將謂齊齡長御壺奈成永訣乍登船今朝
仍值千秋節兩歲空悲獨旦天文賦遣愁披歎逝行年

恰並士衡年

見陸機歎
逝賦序

賦得野合時雨潤

北地惟防燥春霖不厭多今年真慶幸到處賞融和紅
欲蒸繁杏青徐上淺莎朝煙泮村塢宿露浥坡陀
晝吟無盡觀耕喜若何雲容看又好膏澤可延俄

迴鑾至保陽

半月行旌返保陽恰如攜得好韶光煙容澹入樓臺遠
麥色濃傳餅餌香傍浦鷗眠蒲葉綠迷町蝶栩菜花黃

春郊景象堪欣慰却慮三時日正長

習字

細細和風拂幔城
璿堂研席洒然清
敲詩較射還餘暇
便一臨池靜六情

晉唐端不少名家
獨愛誠懸一語嘉
近向五臺叅相好
更鋪金粟寫蓮華

題旌忠祠

府治西祀
明楊繼盛

捐軀不為逆龍鱗
兩疏千言萬古新
直使權臣陰喪膽

何妨烈士顯忘身降神獨萃扶輿氣懷古重過滄水春
居節丹青藏寶笈
內府藏居節所畫小
像入石渠寶笈上等鬚眉宛是箇中
人

蓮池書院

西巡迴駐郡城邊便幸蓮池讀愛蓮不必有花識君子
所欣此地育英賢杏桃競繪二月景茗芷平分一畝泉
指點前番覓吟處綠碑重續丙寅年

蓮池書院襍詠

偶過書院樂菁莪二月煙花景色和若沼若亭早圖取

重尋詩約賦卷阿

近命張若澄圖蓮池書院未句有云待我返巡蹕卷阿再親賦

桃花已謝杏花紅荏苒韶光瞥眼中留詠前題成小住

笑他何必碧紗籠

丙寅所作詩已刻碑覆之以亭四面紗幮護之故戲及云

宛轉橋通水閣虛團團月戶俯清渠春來豈慮詩題少

山鳥山花盡起予

蓄水為池亦蓄魚不勞罾網備觀魚若將羅致方東野

吾意區區豈為渠

是日水虞例備觀魚以天時尚寒罷之

鹿云介壽鶴稱仙點綴青松白石邊
文繡料非牛所願
不如放去任天然

春城風物近清明
駐輦優遊少暢情
此地那宜陳俗樂

書聲端勝管絃聲

地方官欲陳謳歌以申民樂以書院不宜有此罷之

山桃花

萬物各以時敷芳
今朝見桃於保陽
落英半貼東流水

杏花依舊菲
山岡前茲見杏
知桃放

見阜陽道中見杏花始放作

可

惜桃殘杏無恙
苑枯遲早誰使然
而我猶然執名相

題張若澄蓮池書院圖因疊前韻

昔讀濂溪書每愛愛蓮趣是地名蓮池孰不生景慕憶
我丙寅秋曾一至其處今歲西巡歸保陽駐行輅乘閒
復來遊散灑怡神慮遙帷褰縱覽斐几憑搜句置之若
澄圖曲折高下布浮屠亦傳斯浮屠極樂世界有白蓮
華池又有蓮池大師者
殊屬附會云極樂可證悟儒墨豈同道吾茲故不賦

端村

樊輿紆轡駐端村水獵繩

先一討論引領羣黎欣望幸都緣曾被

聖人恩

結宇隄旁盼水空數間亦可號行宮廢頽稍葺規仍舊
示儉傳茲

神禹風

淀池風物已薰馨岸籠煙楊柳青南望滄波渺無極

曠懷一寄悅心亭

行宮前有亭臨水中最宜縱覽名之曰悅心

煙波泛澹鏡光涵蟹舍蝸寮漁業諳已覺水鄉無限好

端飛逸興到江南

題悅心亭

一棹近可達前川川上方亭春望便名曰悅心真不忝
澄碧萬頃連水天水天空明難為狀浩乎吾意與之然

白洋間比此更廓

白洋大淀較端
村水面尤廓云

漾舟明日凌蒼煙周

裨寰海此一勺尚令人意飄乎仙蓬萊應有安羨輩可
惜誤之徐福船

泊舟夕景

別館臨春淀蘭舟坐晚晴水風侵夕冷漁火隔洲明行
漏旋移晷溫花尚吐榮依然青雀舫未免一牽情

白洋淀水圍

遠碧極空明風恬鏡影平鴻網排葉舫齊止視虞旌水
獵方山獵歡聲發棹聲合圍徐俟際五字適因成

皇祖修春獵端因重武功繼繩予悃切踴躍衆心同箭
發鷗浮水鎗鳴雁落空停橈頒獲罷滿意暢東風

前歲試為初今春乃繼諸

戊辰東巡過趙北口便道一
試為之今春實特舉水獵云

拂雲頻射鶴傍渚亦以魚老幼就瞻切問闕氣象舒覩
茲廛保乂

聖澤實貽予

任丘縣行宮作

獵罷羽林各繫船行宮秀野構溪邊
屨窗縱望湖天濶
鈿几搜吟花柳妍
春色芳菲入圖畫
化機活潑悟魚鳶
庭柯似欲迎人語
重識東風廿八年

自康熙壬寅至今
乾隆庚午未舉水

圍者蓋二
十八年矣

題遠碧齋

齋名遠碧恰相宜
几席之間萬頃披
河伯濤聲爭擊鼓
軒皇聖躅儼垂碑
智仁並樂兼山水
高下齊觀忘險夷
即漸風光臨上巳
浴沂點也豈遊嬉

水村雜詠

盪槩沿洄過水村
水村生事略堪論
地收一麥無租賦
父老謳歌憶

聖恩

康熙年間

而免其租賦

一以習武一以為畿南豬水之區

皇祖歲行水圍於此因周視地界

聖人之意蓋深遠矣然土人每於淤出之地仍播麥為餅餌之計夏水潦時則麥已收俗謂一麥當三秋云
蝸寮櫛比盡漁家揚柳風輕碧水涯捕却魚鰕橫繫艇
夕陽一抹網絲斜

魚租雁賦隨時足春釀秋醪不待沽無心歆羨志和者
盡入煙波釣叟圖

不爭水地足安流豈是區區為豫遊畿輔黔黎蒙樂利
神堯遺制庇千秋

郭里口行宮稍憩

溪村綠柳邊結宇亦清便名里猶傳郭招賢因憶燕雲
輕熟食節景媚養花天坐俯澄波濶依然子在川

漁舟

漁舟艤棹叢蘆曲棹近御舸不教逐老翁鞠脰擘柳筐
云捕修鱗三十六

鯉魚大小皆三十六鱗

銀刀數尾春水肥供庖

聊比獻芹曝憐彼心殷笑領之命取一尾老翁辭吾儕
水物取不竭一魚詎足將我私俞哉翁悃吾已知持歸
食汝孫與兒更賜白金製汝衣今年庶免寒與飢取一

大錢戲效而

趙北口行宮對雨

行宮卜築臨春湖軒窗納遠朱欄扶憑虛縱目渺無極
如對雲夢與具區爾時驪龍未吐珠河伯歌舞豐隆趨
煙波變幻莫可測忽成米氏瀟湘圖風中遠溘舟人呼
臥波葦葉藏雙鳧我方樂在春疇濡應接無暇有是乎
須臾雨止斜陽露三兩扁舟向何處

趙北口襍詠

夾隄桃柳三春雨兩淀煙波十一橋
竭憶東巡前歲景
宜生歡處乍魂銷

西淀水流東淀去南天雁向北天來
橈人望幸分明記
初試春圍第二迴

天光波影碧相涵岸芷汀蘭綠已酣
誰識敲詩吟趙北
大如披畫閱江南

疊前歲趙北口閱水圍韻

泛濫畿南水歸斯淀受之試圍曾舉昔習武再臨茲魚

頡鳥旰處風恬波靜時沿洄青雀舫演漾綠蒲涯蛇陣
分前後龍文合正奇潛鱗浮箭發飛羽落鎗施武子法
猶闕

仁皇制永垂傑池明節度縵獵式威儀繼

武常思亶乘時豈為嬉隔年行殿側重仰

鄭州碑

皇祖御製鄭州
碑在趙北口行宮側

趙北口水圍罷登陸之作

三日舟圍足悅心歸途六轡聽如琴河防要欲籌疏濬

永定河下流覺淤允督臣之
請親臨視之以商疏濬之策

民瘼還因便酌斟平野新

看麥苗長環隄背指柳煙深風光此處留餘興吳越明
年待暢吟

排日

排日詩章似例成底須嚮導紀行程括題略徧燕兮晉
取義相兼粗與精祇以寄懷宵旰共那期中律鬼神驚
較來幸勝常年者誌喜頻因若雨晴

曉行即景

拂曙行旌度柳堤水村咿喔尚聞雞曉風裊裊侵人袂
春草萋萋沒馬蹄二月征途如畫展一鞭煙景入吟低
依然前歲東巡路回首思量重慘悽

過雄縣

春光披澹豔綠野歷繇羊古郡民其庶今巡景勝前

戊辰

東巡亦過此今春民間氣象較前歲為勝云

新煙傳禁火宿雨報開田代賑

興馨鼓重看雉堞全

直隸各城頽廢者多命以工代賑次第經理是處新經修治亦熙績

之一
端云

暖

行圍駐水鄉水風送寒淺春服未可更輕裘始稱善登
陸纔兩日頓覺迎人暖風光融綠郊日色暄黃繖陽和
普敷芳庸詎因地轉馮夷欲矜奇未免一籌展對時有
會心得句正憑輦為政擇洪纖丙吉乃問喘

過永定河

取道閱河干浮橋度廣灘汎凌過竹箭水潦未桑乾四

載由來仰尾閭今度看

適以下口應籌疏濬
故度河紆道閱之

敬繩

仁祖志

永定河自始為隄障之

皇祖時

永定冀安瀾

玉蘭花

南苑相離近一程駐營中使早來迎御園報道韶光好
木筆描春照眼明

分來含韻齋中韻

圓明園含韻齋玉蘭最勝

擅得衆香國裏香大邑

瓷瓶清供好行廬得句也殊常

依然瓊室拈吟處乍憶寧陽問俗時

前歲東巡於寧陽道中見玉蘭花有

詩却恨人無此花分東風一晌發清悲

一朶銀雲馬上來
半星曾不惹塵埃
相看果是通身淨
何未姮娥月裏栽

清明

禁火傳煙久不行
良辰猶自說清明
風光澹冶纔迷蝶
榆柳悠揚未隱鶯
兩宿乍先三月節

時二月廿九日

一鞭都入

七言評幾迴
更欲停吟筆
杜牧司勳已擅名

風

聞道清明日常遭
風雨加果然逢掘
塚豈慣妬芳華
塢

始舍紅蕊町多茁綠芽應時應即止吾匪為看花

閱永定河隄因示直隸總督方觀承

水由地中行行其所無事要以禹為師禹貢無隄字後
世乃反諸祇惟隄是貴無隄免衝決有隄勞防備若禹
豈不易今古實異勢上古田廬稀不與水爭利今則尺
寸爭安得如許地為隄已末策中又有等次上者禦其
漲歸漕則不治下者卑加高隄高河亦至譬之築寬牆
於上置溝渠叶行險以徼幸幾何其不潰胡不籌疏濬

功半費不貲叶因之日遷延愈久愈難試兩日閱永定

大率病在是叶無已相咨詢為補偏救弊下口略更移

取其趨下易培厚或可為加高汝切忌多為減水壩亦

可殺漲異取土於河心即寓疏淤義向來河臣治隄率以加高培厚為請

朕以培厚尚可加高則隄高而河亦日與俱高非長策也其培隄取土類取之隄外朕謂就近取隄外之土以益隄隄雖增而地愈下宜取河中淤出新土用之則培隄即寓濬淤之義似為兩得河中有居民


究非久長計相安姑弗論宜禁新添寄河中淤地窮民輒就播種構草

舍以居水至則避去雖不為害而築牆疊壩未免有填河之患祇以遷徙非民所願不得已姑聽之而禁其後

勿附益
增廓云
條理爾其覆大端吾略示桑乾豈巨流束手煩
計議隱隱間南河與此無二致未臨先懷憂永言識吾
意



御製詩二集卷十六



總校官庶吉士臣侍朝

校對官檢討臣郭寅

膳錄監生臣陳熙

欽定四庫全書薈要

集部

御製詩二集卷十七

八

詳校官原任編修臣徐立綱



欽定四庫全書薈要卷一萬三千三百四十四集部

御製詩二集卷十七

古今體六十三首

庚午四

題黃公望烟樹溪亭小幅

身在畫中行何用行
滕攜畫卷以畫證境妙趣多
此中會心良不淺
小幅周方不逾尺
縱目頓有千里遠
慘澹經營素所工
豈是造物傳粉本
溪亭四柱俯清流
背樹稍露橫雲巘
晴烟浩蕩望無涯
橋邊村墅依微辨

山環水抱別一天勝處卜居真復善悅心亭前波映心

端村行宮前有亭曰悅心

招提寺側峯來眼

三箭山側有招提寺

到底還輸畫

裏兼大癡首肯吾精辯

二月晦日作

大堤曉踏綠楊烟仲月蟾光又隱天九十韶華過六十
今年旅况憶前年鳴鳩乳燕各相惜弱柳繁桃俱可憐
賸得餘閒歸品判春郊輪日有詩篇

行樂

高下因心難燭枝展收到處紙窓宜金缸落帶奢懲昔
羶室支床便在茲春夕秋宵常與共關中塞外不相離
火傳卽此參無盡夜夜含花照構思

迴鑿

臺麓祝釐雖素志淀池試獵偶乘閒此行正務因河道
兩日詳觀歷柳灣無作聰明隨水性惟懷惻隱塵民艱
駢駢四牡催歸轡南苑春光指顧間

跋馬

佳節過清明郊原跋馬行連村多綠樹貼水見紅英秋
廩猶高積春田已遍耕熙熙來老幼道左踞相迎

南塢

里名南塢喜清幽衍沃相宜種植稠入畫渾如對花縣
停鞭為惜度官郵紙鳶一綫風光美杏酪數錢節物酬
到處閭閻安樂利今來差不負春遊

三月朔日

春暮之初景更和三分已是二分過雖然暇日不教棄

未免新詩太覺多
點染花光紅蓄眼
薦綿草色綠封坡
芳辰上巳臨修禊
擬訪蘭亭愧玩鴛

南紅門外

輕烟澹沲低村樹
平原迤邐青春曙
閱河事罷命迴鑿
南苑經臨茲取路
菜畦花圃帶郊坳
物土耕桑隨意度
民風墟里宛在憶
是我少年行樂處
耳後生風逐狡兔
彎弓向雲落孤鶩
而今珍重久不為
饒有先憂勝於故

詠盆中溫牡丹

速較清和遲較臘

臘月亦有牡丹故云

圃師剪拂競天工誰云春

色讓凡卉早見花王綻惠風綠
蘇鋪盆欣映朶黃蜂隔
戶訝迷叢會看穠麗堂堂過下策何須更火攻

南紅門行宮晚坐

別館暫閒居春巡返轡初重教坐芸室頗似勝檀廬鏡
吹雲韶競盆花錦繡如那忘前歲况秉燭治軍書

德壽寺六韻

精藍禮法王取便憩禪房壁認前巡句爐焚今日香隔

林飄靜籟滿院貯韶光
座愛芬春蕙庭將綻
海棠重來法雲處却憶
少年場妙諦當機示何
須論幻常

丁觀鵬九成宮圖

參差宮殿倚崢嶸
風落雲中度曲聲
傍檻醴泉誰作頌
依稀猶記魏元成

避暑當年作勝遊
紫絲步障外人留
文皇詎是忘溫清
婉諫隨教進馬周

上巳日作

良辰南苑暢登臨
婉婉青春即漸深
蛾月一痕剛掛漢
鶯時幾樹欲籠陰
悅懷詩境無邊富
蓄眼韶光底用尋
獵罷欣飛陳馬技

是日偶觀內府羽林立馬技

聊徵故事射華林

餽榆錢餅

湯官十字不須誇
榆莢登盤脆熨牙
未必八珍輸此味
要將風物識農家

蔭榆書屋

三間白屋綠雲天
棐几閒憑讀舊編
內聖外王均憫若

尋章摘句尚依然
鳴因風至常聞籟
買得春歸漫費錢
一瞬紙窓朱鳥度
分陰怪底惜前賢

微雨

夜來淄淄濃雲布
旋報霏微落甘澍
北方春雨殊艱致
總不慮多少是慮頻
疊方欣被霑潤
終風乍聽號古樹
從未徬徨望澤虛
終惜蓬勃驅雲去
豈緣邇來太順時
使予戒滿慎佳度

謁元靈宮

澹蕩暮春天迎門花欲然蕭臺萬靈列玉陛兩成圓籟
奏虛無韻香凝縹緲烟仰瞻昭監切非是為求仙

見耕者

好雨讓風晴真教可惜生清晨排獵騎沃土見春耕犁
起新泥潤布來嘉種盈田功時尚早稍以慰吾情

闕虎駢惜辭

我之十駿皆權竒昔紀詩歌並圖取就中巨擘乃有三
萬吉駢霹靂驥及闕虎駢曰駢曰驥早物化惟汝駢存

鎮天園向資汝力効騰蹕那教於菟潛林莽邇來齒長
宜就閒英氣軒軒壓羣馬叶不必受鞍宛相識昂藏似
欲迎人語心有餘兮力不足使我不忍頻顧汝太僕芻
秣歲有費筋埋肉脹多難數信惟駢也不虛糜左氏有
言相譬舉今雖老矣無能為猶退秦師燭之武

春曉

庭柯鳴曙禽窓櫺散晨景晏眠夙所戒平旦氣方靜春
衣暫倚楹花乳欣澆茗停蹕匪豫遊勤政同宮省借問

奏書囊幾多待批省

獵

青郊小隊試春蒐
弓燥由來趁手柔
拂柳乍教輕騎過
射獐宛憶少年遊
五旗不易都隨指
三網嫌多漫槩收
講武詰戎自

家法還因孳育閔
虔劉

夜雨

昨夜細雨霏旋被
風驅遣入夕吹萬
停又報輕雲展歌

枕聽燈窓廉纖續復斷無何風又作不覺愁展轉麥苗
一律青脈土滋墳衍不雨儘可待底便憂懷緬而予亦
有慮今春渥澤亶膏澍霑益佳綏豐豈謝腆設其稍愆
期良恐虛望滿患失我尚然因悟人豈免

北紅門外即景

北紅門外曉迴鑿雨後春郊料峭寒五鳳樓高直北望
居庸遙列玉為巒

青牟撲隴蔚蓬蔥微雪侵晨一律融却憶龍沙宣郡外

幾多毳帳怨春風

蒙古以游牧為生春雪風作牛羊多凍斃故畏之甚於冬日南北風土不

齊有如此者

夜聞風盛愁無寐
曉見雪消喜動容
豈是喜愁太無定
都來念裏為三農

別奉

慈輿旋保陽

命誠親王率法從自保定侍
后進宮以減從紆道欲視永定河工

皇太紆

途永定閱隄防
將旬壹祀疏溫清
此日詢

安謁壽康

耕藉日擬禾詞

藉田耕罷得禾詞
不是揚枝及竹枝
前日東風送微雨
今朝南畝喜新滋

綵綴蘆棚獵惠風
載耕帝藉祝年豐
紺轅黛耜非繁飾
黻冕由來致美同

觀耕臺上日華明
次第三王及九卿
自是劭農無貴賤
得教田父笑相迎

亥日惟柔早吉蠲
駸駸六轡及時旋
河陽才子曾為賦

不重搗華重課田

春郊飽看新耕遍

今年西巡有見
新耕者之作

此日親推耒或遲都

為今年膏澤普勤劬舉趾率先時

董邦達春水泛舟圖

泛激春波淨拍浮一篙含碧恰勝舟
溯洄梅塢閒招鶴容與蘆汀可狎鷗
錦里詩情天上坐山陰畫意鏡中遊
柳邊不繫清陰嫩興在風行及水流

御門

明庭靄曙色宵衣戒晏朝恭已勅庶幾疇咨覲百僚際
和轉憂盛知近詎達遙察察匪為明熙熙或致驕惠民
詔屢逮毋乃屯其膏求賢念輒塵或則虛名要孜孜敢
怠荒目蒿思亦焦所希萬方逸遑惜一已勞

暮春瀛臺泛舟

遊龍捩舵鏡中天太液春光劇可憐綠柳紅橋原恰當
落花流水自便娟圖書左右怡情久翡翠蘭苕浴浪鮮
活潑潑真無盡藏化機豈待悟魚鳶

題羲之玩鵝玉器

上刻予縮
臨快雪帖

為書道德籠鵝返便草時晴作美談却似一籌羸契帖
縮成玉枕自河南

絳雪軒海棠

丹砂煉就笑顏微開處春巡恰乍歸暇日高軒成小立
東風絳雪未酣霏評香花國休嫌細選色唐宮不礙肥
料量韶光思護惜珠簾四面巧成圍

是日
微雨

雨

三月十
二日

今年春澤優麥肥耕不悞昨近恒作風跼蹶屢憂慮田
功原可待何必苦欲速叶擬以此自寬切切懷轉遽譬
之既得者患失乃更篤叶觀過可知仁吾過人其恕朝
來佈密雲卓午霏甘澍冥濛勢方綿浙瀝聲已注潤砌
土含香灑欄花沐霧所樂不存焉心寬為農務青郊雨
知時頻歲幸兩遇何修而致茲戒滿彌懷懼

錢維城疊嶂飛流

飛流擘山落每與山爭雄蓄極發故盛澎湃噴長空英

英吐白雲還似從銀龍

暮春奉

皇太后駐蹕御園之作

西巡弭節三旬返南藉乘時千畝耕正喜熙春饒豔裔
得迎

慈馭駐圓明朝烟已傍山村泮宿雨應催苑卉榮今歲
田功真慶幸承歡

聖母倍怡情

泛舟過萬壽寺即景雜詠

溪路高梁

橋名

一漾舟來半夾岸綠盈疇雲容水態不相

厭畫意詩情分與投

靜坐閣閣俯碧溪布帆無恙度禪關山僧候駕遙相望
孰是忽忽孰是閒

小參白業記前遭風利今朝穩送艘松栝假山應好在
待予長夏聽寒濤

閒置亭臺種柳株欲將勝槩擬西湖好春應為同民樂

能樂伊誰白與蘇

麥莊橋

石橋過麥莊
麥色綠生香
含露盈盈態
濛烟澹澹光
進舟驚鷺翹
問柳喜鶯黃
西望香山近
春雲却半藏

西海名之曰昆明湖而紀以詩

西海受水地歲久頗泥淤
疏濬命將作內帑出餘儲
乘冬農務暇受值利貧夫
歲事未兩月居然肖具區
春禽於以翔夏潦於以瀦
昨從淀池來水圍徵澤虞
此誠近

而便可習飲飛徒師古有前聞錫命昆明湖

雨後

雨後雲容猶澹沱風前春色已闌干更希優渥心尤切
亦為霑濡念稍寬先事謾云無定見撫時那是有餘歡
韶華覘眼及猶好贏得餘閒一倚闌

廣潤祠

昆明湖上舊有

龍神祠爰新葺之而名之曰廣潤云

靈祠俯碧津丹牖為重新雲氣生帷幄波光漾袂振含
弘敷大澤時濟佑斯民夢雨昨飄瓦知時恰及春

鑑遠堂

祠旁建屋數字開窓縱目一碧萬頃因題曰鑑遠
堂

湖上新居小駐驂開窓萬頃碧波涵雲容水態從頭會
秋月春風取次探詎事嬉遊忘炯戒擬將餘暇託清耽
雕甍不飾崇溥樸比似卑宮尚覺慚

月波樓

鑑遠堂之後為月波樓登樓則後湖之水在我几
席月夕湧金蕩漾隄影蒼茫幾不知為前後湖矣
因迫為樓號月波月波妙處會心多前湖水合後湖水
鏡裏娥分輪裏娥對影憑參李白句駐暉誰藉魯陽戈
湧金聞說餘杭好擬待明春較若何

暢春園集鳳軒恭候

皇太后問安之作

熙春

翟輦奉遊觀
莅止趨迎敬問

安夾路新耕
曾志

喜滿園韶景
更承

歡風前花意輝
橫埭雨後雲容
卷遠巒祈歲慰
餘追賞
樂暉暉遲日愛
頻看

暮春圓明園

初春啓駕暮春迴
花事猶然及勝
開烟重柳輕難
辨陌

月明李碧好登臺景醺蜂蝶迷芳埒潤逼園林絕點埃
剛到山村閱耕者東風又送雨絲來

皇長子薨逝誌悲

皇長子誕自青宮今年甫二十有三不幸薨逝既
追封親王厚飾終之典而父子至情傷痛不能已
已朕先抱端慧皇太子悼敏皇子之戚繼有

中宮之哀時命多舛今復邁此雖勉自抑制其何以
堪詩以誌悼

宵旰焦勞者那堪變故叢灰心臨素幔淚眼向東風將
老失長子前年別

正宮何愆頻命蹇不敢問

蒼穹

皇長子輓詞

靈旒悠揚發引行舉輜人似太無情早知今日吾喪汝
嚴訓何須望汝成

三年未滿失三男

丁卯除夕喪悼敏皇七子己巳六月
喪皇九子今庚午三月又喪皇長子

屈指未滿三年云
况汝成丁書史耽見說在人猶致歎無端叢

已實何堪

書齋近隔一溪橫
長香芸窓佔畢聲
痛絕春風廐馬去

真成今日送兒行

彌留之際奏朕云不能送皇父矣朕含淚告之吾今反送汝耳言猶在耳

痛何如之

率吟遣悶

率吟遣悶豈成詩拙巧無心較速遲
錦卉幸稀風作祟
針秧常獲雨稱時
今年深志東皇喜
適日偏懷子夏悲

痛定定應知過痛自知過痛痛誰知

三多謠

天下多富者宜莫過為君夕惕復朝乾畏天而畏民詎
惟多事憂其憂難悉陳恣欲滿而溢斯乃致禍根人言
予無樂吾謂良苦辛

於今多壽者允惟丁皂保其年九十八尚自精神好乃
其妻先亡子亦數傷天每與親故疎且慮來日少誰能
齊彭殤與究無生道

四十而九子予亦稱多男屈指兩年中忽乃亡其三我
心匪木石愴悽情何堪猶慮或過痛強抑悲轉含封人
用祝堯故非堯所欣

香山靜宜園散悶之作

欲尋佳處散愁思清蹕朝來駐靜宜花藥將闌行入夏
林泉小別動經時名山未覺春兮樂至聖猶遭鯉也悲
况復勤農頻望澤嗟予那易展雙眉

雨

三月二十
十四日

麥收三月雨農語有明徵前旬乍霑灑未覺優渥并昨
近每風作跼蹐日怵怵實緣三白佳被隴來牟青餅餌
行可望愈覺意弗寧既得患失之人孰無此情晨來密
雲佈過午陣雨零度壑送輕寒落簷垂細聲此雨信知
時心慰同耕甿予來此散愁果因愁稍平知命故不憂
祈年無別營但願屢豐綏遭際惟所聽為國而忘家吾
比人言誠

雨

三月二
十八日

前朝好雨虞微少今日優霖慶渥霑愁是分當欣亦實
時惟所遇命難兼肯教傷子縈深抱且勵安民樂引恬
那更閒心惜春去綠臯水足看秧添

御製詩二集卷十七

欽定四庫全書薈要卷一萬三千三百四十五

集部

御製詩二集卷十八

古今體九十九首

庚午五

四月朔日進宮齋戒自昆明湖進舟至萬壽寺川
路曉烟未泮麥疇宿霧猶濃觸景成欣援毫得
句

雨後明湖激漲痕愛尋溪路遠塵喧馨香餅餌酬殷望
澄動川雲供靜存適為肅齋還內禁得教小憩駐祇園

吾心憂喜因民託淨業塵緣總漫論

夏孟承光殿

圓殿號承光金源松檜蒼蹟陳宜賦詠路便每徜徉琴瑟含清徵璣衡協正陽前朝甘雨足與物樂時昌

雩祭齋居

龍見舉常雩為農祈雨澤匪故必躬親

穹壇奠蒼璧受福志敢希勤民心實劇自我肇

元祀率際望霖迫去年實厚幸今春足三白邇日每作

風炎燥虞傷麥

圓靈錫佳貺甘膏沛一夕餅餌香應期禾黍生皆勃叶
屈指數年中如茲曾幾值孰謂予過憂予憂未虛擲

董邦達西湖圖

昔傳西湖比西子但聞其名知其美夷光千古以上人
豈有真容遺後世叶未見顏色貴耳食浪以湖山相比
擬湖山有知應不受髯翁何以答吾語叶吁嗟吾因感
世道臧否雌黃率如此豈如即景寫西湖圖繪真形匪

近似歲維二月巡燕晉留京結撰親承旨歸來長卷已
構成儼置餘杭在棐几十景東西鬪竒列兩峯南北爭
雄峙晴光雨色無不宜推敲好句難窮是淀池水富惜
無山田盤山好誦於水喜其便近每命遊具美明湖輒
遐企北門學士家臨安少長六一烟霞裏既得其秀忘
其筌呼吸湖山傳神髓此圖豈獨五合妙絕妙真教拔
萃矣明年春月駐翠華親印證之究所以

夜雨口號

夜雨頻欣優澤多
顛風又慮妬滂沱
也知望歲心無足
自問經年樂幾何

漢玉松石圖

一株與一拳古玉成新製
雖乏珪璋材不渝貞白意

詣齋宮作

塵淨天達宿雨過
帝京景物鬯清和
年來深識盈虛理
每對休徵謹畏多

齋宮莅止近

崇壇黏壁前題歷歷看檢點流光真迅速補槐金井綠
陰團

爐烟結篆畫長時暫屏疇咨寄靜思差勝向年當此日
問雲卜雨未舒眉

雩祭禮成有述

雩祭躬修不敢康

靈壇登陟肅誠將燎烟掩靄連雲氣曙色侵尋朗燭光
式禮莫愆儀秩秩晞陽含潤露灑灑祈甘頻幸叨

嘉貺保泰心殷敬倍常

夏初瀛臺即目

敬舉

常雩歲事回仙壺咫尺暫徘徊
花含宿雨迎雕輦樹張

去清陰覆曲臺水濶鳧依寧北去
鳧雁以春候北嚮至塞外換羽育卵液池

水濶有留集於此者故特紀之
堂深燕賀定南來載賡錫宴傳佳話繪

壁流連幾住迴
丙寅秋八月賜宗室羣臣宴於惇敘涵元二殿聯句賦詩並命畫苑臣繪圖黏

於壁間以紀其盛

覺生寺

御園氣清蔚伴真適興居昨朝殷祀成詰旦命輕輿取
道莫靜安百感紛縈予節情駕言旋憩此刹靈圖塵情
常自縛禪悅久已疎誰能對此際矯意云如如前秋題
在壁孫楚悲已徂前年 孝賢皇后大故朕自御園 胡
為子夏痛茲日重遭諸調御能覺生未識生覺無昔愧
蒙莊子今慙東門吳

麥

郭外來牟綠被町改觀一雨信稱靈翠華琴麗臨風度
餅餌香中試暫停

詣暢春園

皇太后宮問安

西池勝槩藹清和的的金護玉砌多數日齋居踈問寢
慈寧安適喜無過

陣雨

陣雨灑空風還之晴空幾縷紛珠絲多多益善方希澤

戚戚生愁又感眉
祈歲念還憐我切
愍農心豈冀人知
可參患失情殷處
每在將然未定時

浴佛日漫作

浴佛佳辰梵帙傳
玉欄金井藥香天
每因此日思前日
信是欣緣釀戚緣
纔喜雲籠芒欲濯
又虞風擘絮如顛
紛來底識安心竟
靜禮堂堂月相蓮

學圃

宣聖鄙學圃曾以戒
昔賢而我以名亭
其義何取焉園

中景宜備藝桑兼治田於茲課陰晴常切祈豐年垣阜
得數畝左右夾碧川松竹何必多榆柳徒相鮮爰命種
菓樹行看嘉實駢成此十年計况復灌溉便郭索有名
論惟以順木天絜矩為政方夷考神農篇漾舟時經過
幽風圖乃全

董邦達秋林烟岫小景

靜參畫意初無句得句原非畫外求漫步林扉尋別墅
請看泉箔落平流一天玉露八章景幾樹金風萬古秋

薄暮蒼然羣籟息只疑遠浦有歸舟

題耶律楚材墓有序

墓在甕山好山園之東昔年營園時以其逼近園門故培土為山其上以藏之聞其為楚材之墓久矣使閱時而湮滅無傳豈所以褒賢勸忠之道哉因命所司仍其封域之制并為之建祠三間使有奠饋申酌之地并命汪由敦為碑記而題之詩如

左

曜質潛靈總幻觀所嘉忠赤一心殫無和幸免稱冥漠
有墓還同封比干窀穸即仍非改卜堂基未沒為重完
摛文表德輝貞石臣則千秋定不刊

不樂

不樂情懷每愴神思量排遣轉頻頻惕乾不息無他諉
邂逅相仍有底因漸益年華知愛子常籌雨澤為勤民
閒開梵帙消繁慮却愧根難淨六塵

芍藥

娜娜別丰姿
馥馥香滿墀
餞春為後勁
延夏鎮清麤
蝶引滕王畫
牛欺劉訓騎
通身無點墨
誰與號辛夷

輕陰

輕陰常靳雨
幽籟易延風
奈可當繁慮
而無望小豐

收麥

田家謂之小豐
見范成大詩

連林鎖新綠
流水貼殘紅
屬詠吾常慣

今來興頗窮

題錢維城畫

有泉山自覺
生動不雨樹
猶常潤霑的
是畫家能爾處

却因詩句顯為拈野田負郭看鱗次列嶂凌雲見玉尖
擬傍疎林茅屋下焚香趺坐讀華嚴

細雨

細雨每讓風時零時復止昨來看麥田膏澤殊需俟
芄縱被阡秀實難預擬頻縈怵惕懷默驗盈虛理

董邦達楓林朝霽

綴林尚遲去聲吳江冷晷日從迴塞嶺春高士溪邊成小

立一天錦色入題新

適日

適日望雨意頗濃較量不與常年同常年自冬逮春夏
不雪不雨愁蘊隆去冬三白澤早被春霖優渥亦屢逢
比來日日霏細點每當欲沛驅以風譬諸未得奚患失
於將得者患乃叢揆之人情率如是我憂亦在人情中
豈我春月太適意或示之戒令忡忡我則宜矣民何辜
餅香近口奪腹充東郊十日縱可待南薰五絃望莫窮
往清河莫超勇襄親王固倫額駙策楞

靈輿肅肅駐河濱歸殯佳城別塞雲即此始終懷大義

額駙在日曾奏聞

皇考願於身歿後仍歸京師合

葬大長公主園寢今其子奏請朕既允奏并命一切喪儀皆如宗室親王之例官為經理云果然卓犖前聞中年自是傷哀樂

此日何堪哭戚勲見說漠陞將發引猶教血淚灑三軍

麥田

逾旬未行幸雨稀鎮日愁今朝過清河夾路觀來牟都

無十里程豐歉殊不侔或黃而離離或綠而油油固失

向所望

二三月之間謂麥可獲十分豐收今因數日頗缺雨不無少減分數然較之常年則尚過之頗

慰近所憂十日設如期尚可增倍收旦晚盼雲興延佇
不少休

疊嶺重泉歌題董邦達所畫

是人胸中小廬霍董家亦有元和脚不經意處人難工
疊嶺重泉偶所作重泉貌得香爐間疊嶺亦似南嶽盤
置二名區未為隘合一全圖不覺難山東嗤浙派曾傳
揚契丹文筆今定誰巨擘雌黃無使輕譏彈浮圖高入
雲俯瞰危無底與客安心處指說雲門寺雲門寺外石

磴斜烟蘿古木紛
轆拏飛流直下不計尺
滙作明湖漾
淺沙沙痕石齒天然好
野橋那畔茆齋小
趺坐幽人獨
靜參應是忘機學
莊老莊老豈可學
寓意聊足樂漁人
舉罾善求魚羽士調笙將款鶴
壯哉大觀真卓犖
我與其間一揚榘

即事

麥雖虛望勝常年

北方春雨例屬艱致故麥收每歉農家亦不以此為重今春正二月間膏

澤時沛滿望十分收麥而四月內復缺雨
麥收分數已減然較之向年猶為稍勝云
適日憂心在

大田稍幸新秧羣出土均需厚澤沛由天盼將潤溲泥
無蚓迅矣時光樹有蟬誰道清和堪暢志焦勞五內鎮
如煎

山東青州諸郡得雨誌慰

山左昔被灾數郡民流徙撫恤不遺力稍為補救耳所
幸

天悔禍去歲兩收美元氣雖畧復屢豐日以企適聞麥
復佳額手為民喜封章更欣覽時雨霑東鄙京畿頗望

澤怒馬愁無已遺遠夙所戒東望慰由彼恤近情之常
旦夕憂在此慰少憂實多投艱竟誰誘

戲題鷺鷥籠口號

鷺鷥聞道稱閒客何事翻然入檻籠應悔稻梁初念錯
長教引領望雲空

德勝門外

五月初二日

駕言歷城隅薊門烟樹隱卓午避炎蒸輕輿趁薄晚先
節奠靜安經宿駐鹿苑情知未息塵於中有不忍暮雲

釀勢濃待澤心彌窘二麥已虛望禾黍綠芄畛一慰一
以懼三時日尚遠始寤當春初意寧毋過滿先事而卜
度無益轉有損

宿

雍和宮感成長律

躍龍邸第象筵施來往因緣每駐茲漫擬福田緣有為
藉非佛地更何宜盆榴宛復簪符節庭草猶然拜
訓時即我而今知愛子雲天仰睽邈含悲

晴

數問微陰傍晚曉晴愁中短夜似長更憫農頻歲吾雖慣
祇覺難紓此際情

靜安莊奠酒

酒添奠處心添痛

前歲去歲惟致奠 孝賢皇后今歲
又添皇長子定安親王之戚足見余

懷矣痛淚杯盈共酒盈母子東西曾不隔別離今古若為

情浴蘭酌艾風光近銀蒜瓊蒲節物迎况復麥田殷待
澤誰能強遣破愁城

午日漫題

渚蒲搖綠榭榴丹畫舫飛雲度鏡瀾懶聽韶莖緣待澤
強酬節物為承

歡又臨此日還簪艾更憶前塵罷浴蘭宛轉景光合追
賞年來偏覺感多端

河南收麥誌慰

豫省麥為秋麥收天下足邇聞小豐年額手慰心曲近
畿同向年失望徒眉蹙燕洛皆吾民一欣一以慰轉糶

需時日豈如遍多熟虛幸白占三實慙幕調六

詠規矩

為圓必以規為方斯以矩器殊用亦異此語聞之古何
人始巧就一物兩用可叶直引曲轉旋方圓隨意所適
便良有餘示義實無取穆命戒便辟聖傳歸質魯柝鑿
縱不入惡此機變侶或云傳西洋化外奚足數

詰

黑龍潭祈雨

三春雨惟時額手欽

天賜入夏望澤殷怒焉愁弗置二麥願已虛大田膏未
逮靈潭近御園

明神妥福地向時常蒙佑今茲豈靳惠休徵有由召亦
惟馨化治布政實多闕祈澤徒增愧

董邦達松溪高士小幅

落落松吹諤諤風長溪流活遠岡崇神心會處真無悶
濯足伊誰定太冲

德勝門外即景

日臨北至景方中

殷祀清齋返法宮
要聽鳴鳩呼夜雨
却聞乾鵲噪炎風
碾飶茆舍成虛望
穉黍平疇幸尚佳
亟待甘霖真似渴
憑輿觸目動愁懷

林風徐颺薊門烟
底是云愁愁轉牽
謁憶前年奠觀德
便途經此每鳴鞭

夜雨

五月十四日

殷雷忽向夜分鳴乍聽簷前作響聲急雨待霑盈尺澤
妬風仍放半宵晴久希稍潤應差勝未足難安却轉縈
支枕無眠宮漏下短更翻似最長更

重修

壽皇殿竣是日奉安

神御禮成述事六韻

有序

是殿向奉

皇祖

皇考神御為室僅三楹又方向不合規度乃命鳩工庀
材量加修建中峯正午及門楹堂室一視

安佑宮之制較舊加鉅麗焉工既落成謹蠲仲夏之
望重安

神御於是歲時薦新永展孝思云

壽皇

聖祖興居久

先帝思

親展孝弘神御妥靈宋遺制衣冠原廟漢諸陵欽承有
繼馨香薦追遠長懷

陟降憑子午向山期必正規模合度量為增儻聞愾見
千秋永景福鴻禧百世凝觀德皇皇惟是凜肯堂切切
詎斯能

夏至齋居

短晷圭臬直景風殿閣生致齋潔予志對時體物情攷
攷奉日德慄慄欽火行族雲已蒼鬱膏雨將澍零祇期

苗待蘇那憐卉爭榮網軒崇以邃宜涼意氣清蔭暘豈
遍及卻暑慙獨寧

山東獲麥

遠近皆吾民溥豐實切願勢有不能齊免歉斯為善齊
魯去歲佳問閭氣已轉叶今復獲麥收南望誠欣忭左
顧畿輔間望澤徒增歎遠喜率易忘近愁例難判

題錢維城山水

林佇風虛常激楚溪穿石出欲浮空詩人體物難工處

往往逢之六法中

熱

寒暄悉天運闕一豈其可德暑固惟時恒暘茲亦頗蒸
炎日以烈釀雨每不果燮調增抱慚問旦難安坐水官
晏眠波祝融怒燠火清禁尚畏熇况復窮簷那眷言顧
朱吳胡寧矜惠我

董邦達澹月寒林圖

脩閒澹月滿寒林林弄清風月弄陰應為邇來苦炎熱

撰成謀目愛秋心

夏至日恭祀

方澤六韻

金翼乘南陸黃裳饗

厚坤至哉欽順應時矣屆享蕃祀典躬親奉

神依陟降存帛琮孚盥饗籩豆潔蘋蘩鼎霧輕初合山
雲遠未屯向時頻被

佑此際重希

金匱要略卷之二十一
卷十八
恩向春夏之交每逢不雨至北郊前後
霑足大田尚及有收今復值望雨時故云

祀事禮成詣

暢春園問

安

法宮齋戒五朝餘

大祀親承返駕初
邇日炎風偏亢烈
肅趨

仙苑啟

興居

黍苗纔徧綠疇間望澤心殷民瘼闕大異去年經覽象
去年此際早露甘雨郊原潤溽今禱
苗幸可待時日然望澤正殷候矣
踟躇何以慰

慈顏

觀魚

觀魚偶會心屬詠識窮理水闊育鱗多善惡無不有
叶

解善為鯉與鯪惡為鱧與鮎一般皆水族黑白從可覘

二解鮎鱧好食魚鯉鯪不知避潛躍一湖中適以飼惡類

三解惡類性戕賊亦知護其子曝鬢當日午他魚不敢過

四解 臨流坐石磯，飼魚投剩飯，噉喙紛齊來，品格誰能辨。

五解 善類自柔弱，惡類多強梁，奪據飽其腹，掉尾而倡佯。

六解 見此意不平，擲石未即中，本擬鋤其惡，翻驚善者衆。

七解 持網伺再來，鰈鯉旋復至，維彼鱧與鮎，狡警乃遠去。

八叶解 物態幻難窮，即小可喻大，惠而不通方，幾何不為。

害九解

驟雨 五月二十一日

驟雨剛三刻，平田未一犁，久乾潤亦好，再沛澤仍僂，差。

幸消塵壒旋愁渙霽霓盼殷將渴望欣戚在雲霓

錢維城山水畫

是處合消閒林扉早閉關峰依雲蘊藉波激響潺湲俗
客何能到塵情盡可刪扁舟載野鶴奚往定孤山

喜雨詩

五月二十四日

晴久盼雲生生矣愁散却既陰盼雨零零矣愁勢弱勢
壯冀時長巡檐自卜度片刻轉千慮憂心信如灼誰能
沃此心惟賴甘漿酌颯灑初入夜沛然忽大作列缺鞭

川后飛廉悔其惡傾盆解地甲倒井瀉天壑森沈達明
旦醞釀匝磅礴醫病更滌煩人予安心藥大田一以蘇
予將望秋獲不雨愁實亟雨足得無樂而復恐樂極朝
夕增惕若求言靳實益細故紛糾擢圖政期實濟小補
多遺畧豈如旋轉力好生仰橐籥一需萬事和詎予能
調幕歲有喜雨詩足知予德薄

雨後御園即景

希霖彌月兩眉顰豈有閒心事幸巡仍此亭臺添美致

饒他花木長精神寄懷編簡方知趣極目林泉總絕塵
一趁晚涼閒放艇紅霞香度碧漣淪

三春早覺因循度半夏全教愁悶過幸得耕耘仍不誤
便因欣慰定如何蜩蟬飲露鳴深樹蚯蚓乘泥上淺莎
贏得情田滋雨後幾迴步屨一吟哦

夜雨

雨足清宵暢穩眠半醒簷溜瀑聲懸聽餘寤寐俱安適
料得清淪溢甫田

種得芭蕉將聽雨夏來缺雨半枯焦
焚絲滴葉聲雖減也自清冷伴此宵

夜短徐聽覺夜長碧紗牕透轂衾涼
近畿甘澍纔霑足更復遐心憶保陽

詣暢春園

皇太后宮問安

膏澤欣霑足仙蓬景倍佳心乎咨夏清
慰矣識

慈懷波漲澄依岸花香靜繞階好占
田野潤穡事

塵思齋

昆明湖上

儲澤䟽流利下田宜晴鏡碧漾澄鮮唐堯漢武均垂蹟
川后天吳各得權湖達江兮因達海滇為秦也繼為燕
望霖半夏愁無那思一湔之萬頃連

五月二十七日詰

黑龍潭謝雨是日復遇雨因成

謝雨仍逢雨占時尚及時迴蘇真荷澤昭應敢嫌遲底

慮衣衫濕貪看禾黍滋慰餘慙自問何事屢來茲

雨中遊大覺寺五首

大覺由來古上方心閒纔一禮空王天龍莫怪巾車晚
為待甘霖日未遑

昨日傳宣蘭若遊密雲風度雨絲稠便因跋馬山蹊滑
罷獵還應學魏侯

雲中不見暘臺面

是寺山名

雨裏暘臺忽面前舉似山僧休

錯認饒他到點不闕禪

禪家有到即不點點即不到之語

蒙茸澗葛濕烟霏幽處攀躋山鳥飛一霎雨晴渾不辨
濛濛惟覺潤霑衣

飛泉仍是去年聲小閣閒聽頓覺清却是山靈真解事
展圖忽放一天晴

題大覺寺憩雲軒

憩雲雲外賞真詮花雨諸天霏四筵山色雨晴無定晝
溪音高下不停絃藉苔跂石觀魚樂倚柏開籠任鶴便
歸轡鐘聲何處是千峰翠隱半空烟

雨後

雨後山田生意多貫平聲珠幾寸綠娑娑慰餘轉復思前

日設再遲遲將若何

題董邦達山水畫

山盤蘊藉谷含虛宜有幽人賦遂初林戶霏烟真入畫
水亭消夏合觀書底須叢桂方稱隱取適扁舟詎為漁
我是先憂不同道每因心賞契潛居

溪亭對雨

雲勢凝三日為霖溼且綿既霑差覺易均被始應全爽
入北窓美膏滋南畝鮮凭欄天水合何異泛蘭船
散漫復森蕭疎零亦密飄十分宜目送千里慰心翹靜
馥噴紅芰新聲入綠蕉繁憂一以釋書史足遊遨

雨餘

雨餘天色蔚藍深習習清風度竹林漏日雲容方散漫
漲溪水勢已森沉宜人新爽披堪愛利穡時暘喜不禁
盼澤轉闕為盼霽明參無定是人心

再雨不妨晴亦好此心終是願晴多雖緣逐景知情改
究為勤農望歲和嘉樹籠陰金井潤野花泣露錦階羅
明朝屬詠宜何處摧萎香山濯黛螺

浩歌行

不雨心愁得雨喜自審喜來曾未幾既霑又慮分過多
即遇快晴真慰爾雖云勤農心實篤亦識涵養吾未熟
浩歌浩歌適意恒少拂意恒多天時雨賜豈可必長年
蒿目將如何

題錢維城畫

面水背山茆屋低高人農隱遂幽棲連朝好雨溪田足
愛看新秧綠剡齊

青龍橋西

玉泉山北石橋西貪看風光遲馬蹄蘭坂生香朝露潤
柏巖蔚秀宿雲低遙看古刹紅墻隱近喜新秧綠毯齊
稍得繁憂消雨後觸懷藻思一吟題

經金山題句

有序

玉泉山北舊傳金山者明景帝陵在焉明樓寶城
之制全無圍牆碑亭已頽廢不全自圓明園幸香
山每經過之惻然興感因命所司畧為修葺禁樵
採并成是作

尺布淮南自古傷南宮西內兩相當奉迎業未符興慶

割裂差惟勝靖康

帝既無奉迎意故時有引唐肅宗迎
上皇儀者皆不行英宗至而居之南

內及英宗復辟廢帝為王遷之西內闕牆之隙帝實有
以名之而用于謙以守京師不為南渡之舉以全其宗
社者帝亦未
始無功云
公主墳園隣薄厝

明史毀所營壽陵而葬
帝於金山與殽塲諸王

公主墳
相屬

琢人壙穴詔深藏

西山舊有明季宦者冢墓
多較此為富麗完固云

十

三陵尚輸華侈何況相仇肇閱墻

夏日靜宜園

山遊爽趁雨餘天樹態峰姿盡洒然
兩月未來緣望澤一時得意足忘筌
陽烏光射千林晃北壑流增百道懸
憑寄暢懷還暢息持盈有志矢年年

玉華岫作

精舍香山麓遊晞遠近宜新晴松籟颯
瀑漲石泉垂雲

外鶴呼侶峰邊鹿乳兒芸編在渠几滌慮一緇披
乳竇雲漿注臯塗未散芬山蟬聲欲競野草意含欣北
牖真延爽南風靜對薰遙帷塞縱望金碧疊螺紋

靜室

靜室最高處雲收日光烜千里綠臯滋神心與俱遠

香山禱詠

山深本自無煩暑雨後兼之多爽風仍是靜宜遊眺處
會心每不與前同

樹隱山禽但聽聲
間闕韻好不知名
料應也與人心合
喜雨旋過又喜晴

步入林扉花藥馨
山泉曲折響清泠
最高處有丹壚跡
曾見仙人讀道經

夏山已覺濃如滴
重以浮雲蒼蔚之
雲外晴臯千頃綠
山邊雨脚萬條絲

萬幾那得有餘閒
偷得餘閒對好山
也為向來憂太甚
暫因泉石一怡顏

碧雲寺

精藍據層阜雁塔湧龍宮

是寺特建大石塔照西域金剛座式

表裏烟霞

蔚呼噓蒼顥通西峰圍列障北澗掛長虹累榭憑欄處
田盤指顧中

賜健銳雲梯營軍士食即席得句

有序

朕於實勝寺旁造室廬以居雲梯軍士命之曰健
銳雲梯營室成居定茲臨香山之便因賜以食是
營皆去歲金川成功之旅適金川降虜及臨陣俘

番習工築者數人令附居營側是日并列衆末俾
預惠焉

猶憶前冬月雲梯始習諸

戊辰冬月有香山閱雲梯兵之作

功成事師

古戈止衆寧居實勝招提側華筵快霽初餽餘何必惜
可以逮豚魚

番築碣

番築碣築碣不在桃關之外乃在實勝寺側西山椒狼
卡稽額歸王化網開三面仁恩昭叔孫名子不忌武攸

飛早已旋星軺俘來醜虜習故業邛籠令築拔地高昔
也禦我護其命今也歸我効其勞番築碣不惟効勞爾
乃忘其勞黉結環耳面頰顫嗜酒喜肉甘羶臊但得酒
肉一醉飽渾忘巴朗卡撒其故巢其婦工作勝丈夫粉
不能白尪且么不藉繩墨與規矩能為百尺森岑堯番
築碣侏離番語為番謠揚聲強半不可曉大都慕義懷
恩膏亦不為汝慕義懷恩膏我自兩階文德舞戚旄偶
肖汝製役汝曹賚汝金錢為錦袍

有鹿五章章四句

有鹿育麇於原之隰既圻既副不能卒起立有鹿育麇
於隰之革旋起踉蹌見人兀不驚鹿匪不驚為顧其子
子始學步不能遠去叶麇始離懷知親其母叶舐之觸
之以煦以乳詩何云乎以興以觀阮藉猖狂有警世言

曉遊寶珠洞

夏夜不厭涼暑雨不厭晴明發遊照園披衣見疎星危
石咽亂泉清露零繁英未聞鳥雀喧而多花草馨初陽

出東海射我西嶺明西嶺列園後迤邐啓雲扃下瞰嵐
氛色上接顛元精乘六龍御天壯哉俯帝京上方落鐘
梵古刹輝丹青騁望無邊際綠野亘蔥菁迴思望雨憂
憂已樂轉生憂樂每循環誰能靜六情

香界寺三首

延緣棧路到花宮小憩精廬松下風却望寶珠憑眺處
虛無疑在白雲中


絕頂雨餘寒似峭中盤夏靜暑無侵山僧公案何須問

暫坐匡牀藝水沉

雲嵐蒼翠自重重
石澗鳴泉界古松
却見松邊刷羽鶴
王喬緱嶺亦曾逢



御製詩二集卷十八




總校官庶吉士臣侍朝

校對官檢討臣郭寅

謄錄監生臣劉書



御製詩二集卷十八



總校官庶吉士臣侍朝

校對官檢討臣郭寅

謄錄監生臣劉書